

**REGLUGERÐ EVRÓPUÞINGSINS OG RÁÐSINS  
(ESB) 2021/1068****2022/EES/10/51****frá 24. júní 2021**

**um breytingu á reglugerð (ESB) 2016/1628 að því er varðar umbreytingarákvæði hennar um tiltekinn vélbúnað, sem er búinn hreyflum með aflsvið sem er meira en eða jafnt og 56 kW og minna en 130 kW og meira en eða jafnt og 300 kW, til þess að bregðast við áhrifum af völdum COVID-19-hættuástandsins (\*)**

EVROPUÞINGIÐ OG RÁÐ EVRÓPUSAMBANDSINS HAFAR,

með hliðsjón af sáttmálanum um starfshætti Evrópusambandsins, einkum 114. gr.,

með hliðsjón af tillögu framkvæmdastjórnar Evrópusambandsins,

eftir að hafa lagt drög að lagagerð fyrir þjóðþingin,

með hliðsjón af álitni efnahags- og félagsmálanefndar Evrópusambandsins (1),

í samræmi við almenna lagasetningarmeðferð (2),

*og að teknu tilliti til eftirfarandi:*

- 1) Í reglugerð Evrópuþingsins og ráðsins (ESB) 2016/1628 (3) er mælt fyrir um kröfur varðandi losunarmörk mengandi lofttegunda og efnisagna og ESB-gerðarviðurkenningaraðferðir fyrir mismunandi flokka færanlegs vélbúnaðar til nota utan vega.
- 2) Dagsetningarnar sem gilda um ný viðmiðunarmörk fyrir losun, sem um getur í „V. áfanga“ í reglugerð (ESB) 2016/1628, eru settar fram til að veita framleiðendum skýrar og ítarlegar upplýsingar og hæfilegan tímaramma fyrir umbreytinguna yfir í V. áfanga, jafnframt því að draga umtalsvert úr stjórnsýsluálagi fyrir viðurkenningaryfirvöld.
- 3) Vegna COVID-19-faraldursins og tilheyrandi röskunar á aðfangakeðju og framleiðslu áttu framleiðendur færanlegs vélbúnaðar til nota utan vega, sem nefndir eru „framleiðendur upprunalegs búnaðar“ í reglugerð (ESB) 2016/1628, erfitt með að virða tímamörkin, 30. júní 2020 og 31. desember 2020, sem sett eru fram í þeirri reglugerð að því er varðar framleiðslu vélbúnaðar, sem er búinn hreyflum í tilteknum flokkum sem uppfylla vægari viðmiðunarmörk fyrir losun en þau sem mælt er fyrir um í V. áfanga, og setningu hans á markað. Því var reglugerð (ESB) 2016/1628 breytt með reglugerð Evrópuþingsins og ráðsins (ESB) 2020/1040 (4) til að framlengja tímamörkin um 12 mánuði.

(\*) Þessi ESB-gerð birtist í Stjtið. ESB L 230, 30.6.2021, bls. 1. Hennar var getið í ákvörðun sameiginlegu EES-nefndarinnar nr. 346/2021 frá 10. desember 2021 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn (bíður birtingar).

(1) Álit frá 9. júní 2021 (hefur enn ekki verið birt í Stjórnartíðindunum).

(2) Afstaða Evrópuþingsins frá 10. júní 2021 (hefur enn ekki verið birt í Stjórnartíðindunum) og ákvörðun ráðsins frá 18. júní 2021.

(3) Reglugerð Evrópuþingsins og ráðsins (ESB) 2016/1628 frá 14. september 2016 um kröfur varðandi losunarmörk mengandi lofttegunda og efnisagna og gerðarviðurkenningu brunahreyfla fyrir færanlegan vélbúnað til nota utan vega, um breytingu á reglugerðum (ESB) nr. 1024/2012 og (ESB) nr. 167/2013 og um breytingu og niðurfellingu tilskipunar 97/68/EB (Stjtið. ESB L 252, 16.9.2016, bls. 53).

(4) Reglugerð Evrópuþingsins og ráðsins (ESB) 2020/1040 frá 15. júlí 2020 um breytingu á reglugerð (ESB) 2016/1628 að því er varðar umbreytingarákvæði hennar til þess að bregðast við áhrifum af völdum COVID-19 hættuástandsins (Stjtið. ESB L 231, 17.7.2020, bls. 1).

- 4) Þar sem röskun af völdum COVID-19-heimsfaraldursins á aðfangakeðju og framleiðslu leiðir enn til tafa í framleiðslu vélbúnaðar, sem er búinn hreyflum í öðrum flokkum (nánar tiltekið hreyflum með aflsvið sem er meira en eða jafnt og 56 kW og minna en 130 kW, og meira en eða jafnt og 300 kW) sem uppfylla vægari viðmiðunarmörk fyrir losun en þau sem mælt er fyrir um í V. áfanga, og setningu hans á markað er mjög líklegt að framleiðendur upprunalegs búnaðar muni ekki geta virt tímamörkin, 30. júní 2021 og 31. desember 2021, sem sett eru fram í reglugerð (ESB) 2016/1628 fyrir framleiðslu og setningu vélbúnaðar, sem er búinn þeim hreyflum, á markað án þess að þeir verði fyrir alvarlegu efnahagslegu tjóni.
- 5) Í ljósi núverandi aðstæðna og til þess að tryggja snurðulausa starfsemi innri markaðarins, veita réttarvissu og komast hjá mögulegri röskun á markaði er nauðsynlegt að framlengja gildistíma umbreytingarákvæðanna í reglugerð (ESB) 2016/1628 fyrir þá flokka hreyfla.
- 6) Að því gefnu að framlenging gildistíma umbreytingarákvæðanna hafi ekki nein umhverfisáhrif í för með sér, þar sem viðkomandi umbreytingarhreyflar hafa nú þegar verið framleiddir, ætti framlenging viðeigandi tímabila að vera sex mánuðir fyrir framleiðslu vélbúnaðar, sem er búinn þeim hreyflum, og níu mánuðir fyrir setningu vélbúnaðar, sem er búinn þeim hreyflum, á markað.
- 7) Þar eð aðildarríkin geta ekki fyllilega náð markmiði þessarar reglugerðar, þ.e. að framlengja gildistíma tiltekinnar umbreytingarákvæða reglugerðar (ESB) 2016/1628, og því verður betur náð á vettvangi Sambandsins, vegna umfangs þess og áhrifa, er Sambandinu heimilt að samþykkja ráðstafanir í samræmi við nálægðarregluna eins og kveðið er á um í 5. gr. sáttmálans um Evrópusambandið. Í samræmi við meðalhöfsregluna, eins og hún er sett fram í þeirri grein, er ekki gengið lengra en nauðsyn krefur í þessari reglugerð til að ná því markmiði.
- 8) Í ljósi hinna brýnu, sérstöku aðstæðna, sem hafa skapast af völdum útbreiðslu COVID-19-heimsfaraldursins, er talið viðeigandi að veita undanþágu frá átta vikna frestinum, sem um getur í 4. gr. bókunar I um hlutverk þjóðþinga í Evrópusambandinu, sem fylgir sáttmálanum um Evrópusambandið, sáttmálanum um starfshætti Evrópusambandsins og stofnsáttmála Kjarnorkubandalags Evrópu.
- 9) Því ætti að breyta reglugerð (ESB) 2016/1628 til samræmis við það.
- 10) Í ljósi þess að umbreytingartímabilið, sem kveðið er á um í reglugerð (ESB) 2016/1628 fyrir tiltekna undirflokk hreyfla, rennur út 31. desember 2021 og að framleiðendur upprunalegs búnaðar geta aðeins framleitt færanlegan vélbúnað til nota utan vega, sem búinn er umbreytingarhreyflum í þeim undirflokkum, til 30. júní 2021 ætti þessi reglugerð að öðlast gildi sem fyrst eða daginn sem hún birtist í *Stjórnartíðindum Evrópusambandsins*.

## SAMÞYKKT REGLUGERÐ ÞESSA:

*1. gr.*

Ákvæðum 58. gr. reglugerðar (ESB) 2016/1628 er breytt sem hér segir:

- 1) Eftirfarandi undirgrein er bætt við 5. mgr.:

„Fyrir hreyfla í öllum undirflokkum, þar sem dagsetningin 1. janúar 2020, sem er sett fram í III. viðauka, fyrir setningu hreyfla í V. áfanga á markað, að undanskildum hreyflunum sem um getur í annarri og þriðju undirgrein, skal umbreytingartímabilið vera framlengt um níu mánuði og 18 mánaða tímabilið, sem um getur í fyrstu undirgrein, um sex mánuði.“

- 2) Eftirfarandi lið er bætt við 7. mgr.:

„e) 33 mánuði frá gildandi dagsetningu fyrir setningu hreyfla á markað, sem sett er fram í III. viðauka, í því tilviki sem sett er fram í sjöttu undirgrein 5. mgr.“

*2. gr.*

Reglugerð þessi öðlast gildi daginn sem hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 24. júní 2021.

*Fyrir hönd Evrópuþingsins,*

D. M. SASSOLI

*forseti.*

*Fyrir hönd ráðsins,*

A. P. ZACARIAS

*forseti.*

\_\_\_\_\_